

ایدرلردی . فقط بورجوع ظاهری ایدی . تکرار فرصت اله کجکجه یاتاره نلغه  
صاریلورلرایدی . دفعاتله پایا طرفندن مرخص اوله رق بر طاقم پاپاسنر بوسنه یه  
کلوب یکی مذهبی کو کندن محوی ایچون نه کی اسبابه تشبث ایتک لازم  
کلدیکنی مطالعه ایله نتیجه مطالعه لرینی هم پاییه هم محار قرالترینه عرض  
ایده رک هر طرفده بوسنه لیلرک علیه بر عداوت دینه صاحبورلرایدی . صربیه  
قرالری ده یاتاره نلغک علیه ایله ایدیلر . ایشته بوسورتله شرقدن ، شمالدن  
وغربدن دشمنلره محاط اولدق لرینی کورن ویر معاونت اجنبیه اولمزه محو  
وهلاک اوله جق لرینی کشف ایدن یاتاره نلر اوزون مدت بویوک بر صیقینی  
ایچنده خارجدن برامداده انتظار ایدیورلردی .

میلادک اون دردنجی عصری نهایتنه طوعری خداوندکار سلطان مراد  
مرحومک قوصوه صحراسنده وقوعبولان مظفریت معلومه سیله صربستان  
طوپراقلرنده و نارم عصر صوکره بوسنه وهرسک ولایتلرنده عثمانلی حاکمیتی  
ناسس ایتدکن صوکره دین اسلامکده شیوع وانتشارینه بدا ومباشرت  
اولوندی .

هر طرفدن دشمنلره محاط اولدق لرینی و محارلره پاپارک عداوتلری قارشوسنده  
بقای حیاتلرینک تهله که ده اولدیفنی سویله دیکمز بوسنه یاتاره نلری ایسه بوولایت  
اهالیسنک اصلزادکان وصاحب املاک صنفی تشکیل ایتهلری حسیله شمال  
وغرب دشمنلرندن حیاتلرینی محافظه ایتک آوزوسیله عثمانلی حمایه سنه التجا  
ایتدیلر . فاتح سلطان محمد مرحوم بونلرک اموال واملاکنی کندیلرینه ترک  
ایله تامین وشمیدی به قدر بوسنده اشغال ایتدکلری - شرف وحیثیت اعتباریله -  
یوکسک مقاملری کندیلرینه ابقا ایتکله هان جمله سی دین اسلامی قبول ایتدیلر .  
اسلامیتی قبول ایدن یاتاره نلرک عدد نفوسی معلوم دکلمر . فقط بوسنده کی  
قاتولیک نفوسندن ده کثیر اولدق لرینی تاریخلرده محرردر .

بوگونکی بوسنه مسلمانلری او یاتاره نلرک احفادیدلر . تورکیا تاریخنک  
هر صفحه سنده کورلیدیکی اوزره عثمانلیر فتح ایلدکلری یلرک قبول اسلام ایدن  
اهالیسنی در حال کندیلرینه مساوی طوهرق خدمات دولتک هر شعبه سنه قبول

ومراتب ومقاماتک الیوکسکرینه قدر صعودینه مساعده ایدرلردی . بوقیلدن  
اولق اوزره قبول اسلام ایدن بوسنه یاتاره نلری مختلف خدمتله دخول ایله  
آز زمان طرفنده الیوکسک مقاملری احراز ایده رک ایچلرندن اویوق زاده  
محمد پاشا ، صقوللی محمد پاشا ونوشهرلی ابراهیم پاشا کی دولت عثمانیه نک  
شمعه عظمت واقبالنی اوج اعلایه ایصال وکندی ناملرینک عثمانلی تاریخلرنده  
ابدیا کمال حرمتله یاد وتذکیرینی تأمین ایتدیلر .

فقط بوسنه نک یکی مسلمانلری اکثریتله عسکرک وظیفه سیله مکلف  
اولدق لرینی ایچون صیق صیق محاربه یه کیتمهک مجبور اولوب کندی اراضیلری  
معطل بر حالده قالیورلیدی .

بناء علیه اراضیلرینی ایشله تمک ایچون صربیه دن « مارتولوز » دینیلن  
بر طاقم کویلیر ایله رومانیا دن « اولاح » رنجیرلرینی جلب ایده رک بوسنده  
کندی اراضیلری اوزرنده یرلشدیرمشر ایدی . بوسورتله بوسنه یه کلن  
زراعت عددی کیتدکجه تکثر ایدوب بونلر ضرب ملیتله واورتودوقس دینه  
منسوب ایدیلر . بوسنده اوج مختلف دین تقرر ایتمش اولدی . بو اوج دینه  
منسوب اولانلر یعنی قاتولیک ، مسلمان واورتودوقس هربری باشقه برتریه یه  
تابع طوتولدی .

مسلمانلر هر نه قدر تورک لسانی اوکره نه مشر ، تورک قیافتنی کیمه مشر  
وکندی طرز حیاتلریله عادات قدیمه لرینی محافظه ایتمشلر ، یعنی ملیت نقطه  
نظرندن تورک لشمه مشر ایسه ده ینه تورکره قارشو عمیق ، قوی بر میل و محبت  
باغلامشر . رابطه دینه ایله عثمانلیره مربوط اولدق لرینی ایچون عثمانلی دولتک  
اقبال وسعادتتی عن صمیم القلب تمنی ایتمشلر واونک مدافعه سی ایچون هر نه وقت  
ایجاب ایتدیسسه فدای نفس ایدرجه سنه مالا ، جانا ، بدنأ ابراز معاونت  
ایدوب تورک دولتک اوروپا هجوملرینه قارشو برسد سیدی وبر قلعه رصینی  
اولدیلر .

قاتولیکلرده هر نه قدر ملیت قارداشلری اولان مسلمانلر ایله عصرلردن بری  
یان یانه یاشایورلرایدیسسه حسابات دینه نک تأثیریه دائمی رومایه متوجه اولوب